

**БОЛОВСРОЛ, СОЁЛ, ШИНЖЛЭХ УХААНЫ САЙД,
САНГИЙН САЙДЫН ХАМТАРСАН ТУШААЛ**

2008 оны 11 дугаар
сарын 15-ны өдөр

Дугаар 70/369

Улаанбаатар хот

Гэрээний загварыг шинэчлэн батлах тухай

Засгийн газрын 2008 оны 5 дугаар сарын 14-ний өдрийн 177 дугаар тогтоолоор батлагдсан "Монгол Улсын болон гадаадын дээд боловсролын сургалтын байгууллагад суралцагчдад төрийн буцалтгүй тусламж олгох журам", "Монгол Улсын дээд боловсролын сургалтын байгууллагад суралцагчдад зээл олгох, эргэн төлүүлэх журам", "Гадаадын дээд боловсролын сургалтын байгууллагад суралцагчдад зээл олгох, эргэн төлүүлэх журам"-ыг тус тус үндэслэн ТУШААХ нь:

1. "Монгол Улсын дээд боловсролын сургалтын байгууллагад суралцагчдад буцалтгүй тусламж олгох тухай гэрээ"-ний загварыг нэгдүгээр хавсралтаар, "Гадаадын дээд боловсролын сургалтын байгууллагад суралцагчдад буцалтгүй тусламж олгох тухай гэрээ"-ний загварыг хоёрдугаар хавсралтаар, "Монгол Улсын дээд боловсролын сургалтын байгууллагад суралцагчдад зээл олгох, эргэн төлүүлэх тухай гэрээ"-ний загварыг гуравдугаар хавсралтаар, "Гадаадын дээд боловсролын сургалтын байгууллагад суралцагчдад зээл олгох, эргэн төлүүлэх тухай гэрээ"-ний загварыг дөрөвдүгээр хавсралтаар тус тус баталсугай.


2. Засгийн газрын 2008 оны 5 дугаар сарын 14-ний өдрийн 177 дугаар тогтоолоор батлагдсан "Монгол Улсын болон гадаадын дээд боловсролын сургалтын байгууллагад суралцагчдад төрийн буцалтгүй тусламж олгох журам", "Монгол Улсын дээд боловсролын сургалтын байгууллагад суралцагчдад зээл олгох, эргэн төлүүлэх журам", "Гадаадын дээд боловсролын сургалтын байгууллагад суралцагчдад зээл олгох, эргэн төлүүлэх журам"-ын дагуу зээл, буцалтгүй тусламжаар суралцагчидтай 2008-2009 оны хичээлийн жилээс эхлэн шинэчлэн батлагдсан загвараар гэрээ байгуулж, төлбөр тооцоо хийхийг Сургалтын төрийн сан /Д.Нансалмаа/-д, энэ тушаалын биелэлтэд хяналт тавьж ажиллахыг Боловсрол, соёл, шинжлэх ухааны яамны Мэргэжлийн боловсролын газар /Р.Бат-Эрдэнэ/, Сангийн яамны Төсвийн бодлого, зохицуулалтын газар /Б.Батжаргал/-т тус тус даалгасугай.



Ё.ОТГОНБАЯР



С.БАЯРЦОГТ



Боловсрол, соёл, шинжлэх ухааны сайд, Сангийн сайдын
2008 оны 11 сарын 11-ны өдрийн 20, 1369 дугаар
хамтарсан тушаалын нэгдүгээр хавсралт

**МОНГОЛ УЛСЫН ДЭЭД БОЛОВСРОЛЫН СУРГАЛТЫН БАЙГУУЛЛАГАД
СУРАЛЦАГЧДАД БУЦАЛТГҮЙ ТУСЛАМЖ ОЛГОХ ТУХАЙ ГЭРЭЭ
/ЗАГВАР/**

Нэг. Ерөнхий зүйл

1.1. Монгол Улсын Засгийн газрын 2008 оны 177 дугаар тогтоолын 3 дугаар хавсралтаар батлагдсан “Монгол улсын болон гадаадын дээд боловсролын сургалтын байгууллагад суралцагчдад төрийн буцалтгүй тусlamж олгох журам” /цаашид “журам” гэнэ/-ын дагуу өмчийн хэлбэр харгалзахгүй Монгол Улсын магадлан итгэмжлэгдсэн их, дээд сургууль, коллеж /цаашид “сургууль” гэнэ/-д боловсролын болон санхүү, төсвийн асуудал эрхэлсэн төрийн захиргааны төв байгууллагын хамтарсан шийдвэрээр олгосон хяналтын тоонд багтаж, өдрийн ангид бакалавр, магистр, докторын боловсрол эзэмшихээр томилолт авсан суралцагчид сургалтын төлбөрийн буцалтгүй тусlamж /цаашид “буцалтгүй тусlamж” гэнэ/ олгох харилцааг зохицуулж, оролцогч талуудын эрх, үүргийг тодорхойлоход энэхүү гэрээний зорилго оршино.

Хоёр. Гэрээнд оролцогч талууд

2.1. Монгол Улсын магадлан итгэмжлэгдсэн их, дээд сургууль, коллежид суралцагчдад буцалтгүй тусlamж олгох тухай гэрээ /цаашид “гэрээ” гэнэ/-г хянан баталгаажуулж, санхүүжилт хийх үүрэг бүхий Сургалтын төрийн санг төлөөлж албан тушаалтай овогтой ; суралцагч сургуульд мэргэжлээр бакалавр / магистр / докторын зэргийн боловсрол эзэмшихээр суралцаж буй аймаг / хотын сум / дүүргийн -р баг / хорооны гудамж / байрны тоотод оршин суугч регистрийн дугаар, тоот иргэний үнэмлэхтэй овогтой ; суралцах сургуулийг төлөөлж, тус сургуулийн сургалтын албаны ажилтан овогтой нар дараах нөхцөлийг харилцан хүлээн зөвшөөрч, энэхүү гэрээг байгуулав.

Гурав. Сургалтын төрийн сангийн эрх, үүрэг

3.1. Энэхүү гэрээний 1.1-д заасан сургуульд суралцаж байгаа суралцагчид буцалтгүй тусlamж олгоходо боловсролын болон санхүү, төсвийн асуудал хариуцсан төрийн захиргааны төв байгууллагаас хамтран баталсан төрөөс хариуцах санхүүжилтийн хэмжээг баримтална.

3.2. Санхүүжилтийн тооцоог тухайн сургуультай хийсний үндсэн дээр тодорхой хуваарийн дагуу сургуулийн дансанд шилжүүлнэ. Сургалтын төрийн сангаас

сургалтын төлбөрийг хичээлийн улирлаар тооцон санхүүжүүлэх зарчим баримтлана.

3.3. Суралцагчийн сурлага, шилжилт хөдөлгөөн, дүнгийн байдлын талаар сургуулиас ирүүлсэн мэдээлэл, тодорхойлолтыг үндэслэн гэрээг сунгах, түдгэлзүүлэх, цуцлах, дуусгавар болгох арга хэмжээг авна.

Дөрөв. Суралцагчийн эрх, үүрэг

4.1. Суралцагч сургуульд, түвшинд, мэргэжлээр, голч дүнтэй, жилийн хугацаатайгаар суралцах нөхцөлийг тохирч, энэхүү гэрээг байгуулав.

4.2. Журамд заасан нөхцөлүүдийн аль заалтаар буцалтгүй тусламж авахаа тодорхойлж, шаардагдах бичиг баримтыг үнэн зөвөөр жил бүрийн 9 дүгээр сарын 1-ний өдрийн дотор бүрэн бүрдүүлж сургуульдаа өгнө.

4.3. Суралцагч нь хувийн мэдээлэл, сурлага, шилжилт хөдөлгөөн, дүнгийн байдлын тухай сургуулийнхаа сургалтын албанд цаг тухайд нь мэдээлж байна.

4.4. Суралцагч суралцах хугацаандaa хичээлийн жилийн улирал бүрийн эхэнд энэхүү гэрээтэй танилцан гэрээг сунгах, түдгэлзүүлэх, цуцлах, дуусгавар болгох тухай бичилт хийсэн эсэхэд хяналт тавина.

4.5. Суралцагч энэхүү гэрээний 4.1 дэх хэсэгт заасан голч дүнгийн босгын шаардлага хангахгүй суралцсан эсхүл хугацааны нөхцөл болон журамд заасан бусад нөхцөлийг зөрчсөн тохиолдолд Сургалтын төрийн сангаас авсан сургалтын төлбөр, тэтгэлэгтэй дүйцэх хэмжээний мөнгийг Сургалтын төрийн санд буцаан төлнө.

4.6. Суралцагч энэхүү гэрээгээр хүлээсэн эрх, үүргээ өөрийн биеэр биелүүлэх боломжгүй тохиолдолд түүний итгэмжлэгдсэн төлөөлөгч болох регистрийн дугаартай овогтой биелүүлнэ.

Тав. Сургуулийн эрх, үүрэг

5.1. Сургуулийн сургалтын алба нь буцалтгүй тусламжид хамрагдах хүсэлтэй суралцагчдаас бичиг баримтыг жил бүрийн 9 дүгээр сарын 1-ний өдрийн дотор хянан хүлээн авч, жил бүрийн 9 дүгээр сарын 15-ны дотор сонгон шалгаруулж, дүгнэлтийг Сургалтын төрийн санд хургуулнэ.

5.2. Сургууль нь буцалтгүй тусламжаар суралцагчдын шилжилт хөдөлгөөний талаарх мэдээллийг Сургалтын төрийн санд тухай бүр албан бичгээр мэдээлж байна. Сургуулиас хасагдсан, сургуулиа орхисонсуралцагчийн мэдээллийг хугацаанд нь өгөөгүйн улмаас улсад учруулсан хохирлыг сургууль хариуцан дараа улирлын санхүүжилтээс суутгуулан барагдуулна.

5.3. Сургууль нь буцалтгүй тусламжаар суралцагчдын хувийн мэдээллийг тухай бүр шинэчилж байх бөгөөд суралцагчийн сурлагын тодорхойлолтыг Сургалтын

төрийн санд улирал бурийн төгсгөлд буюу хичээлийн улирал дууссан өдрөөс хойш ажлын 10 хоногт багтаан албан бичгээр хүргүүлж байна.

5.4. Буцалтгүй тусламж авч суралцсан бүтэн өнчин болон хөгжлийн бэрхшээлтэй эсхүл эцэг, эх нь хоёулаа хөгжлийн бэрхшээлтэй суралцагчийн сурлагын голч дүн 2.0 болон түүнээс дээш байх, журамд зааснаас бусад нөхцөлөөр буцалтгүй тусламж авч суралцсан суралцагчийн сурлагын голч дүн 2.8 болон түүнээс дээш байх шаардлагыг хангагүй тохиолдолд гэрээг түдгэлзүүлэх саналыг Сургалтын төрийн санд тавина.


Гэрээ байгуулсан:

Сургалтын төрийн санг төлөөлж	Сургуулийг төлөөлж	Суралцагч
/албан тушаал/	/албан тушаал/	/овог/
/овог/	/овог/	/нэр/
/нэр/	/нэр/	/гарын үсэг/
/гарын үсэг/	/гарын үсэг/	

Итгэмжлэгдсэн төлөөлөгч _____ овогтой _____
_____ /гарын үсэг/

..... он сар ёдөр

Гэрээний тэмдэглэл:



Боловсролт, соёлт, шинжлэх ухааны сайд, Сангийн сайдын
2008 оны 11 сарын 20-ны өдрийн 20.13.69 дугаар
хамтарсан тушаалын хоёрдугаар хавсралт

ГАДААДЫН ДЭЭД БОЛОВСРОЛЫН СУРГАЛТЫН БАЙГУУЛЛАГАД СУРАЛЦАГЧДАД БУЦАЛТГҮЙ ТУСЛАМЖ ОЛГОХ ТУХАЙ ГЭРЭЭ /ЗАГВАР/

Нэг. Ерөнхий зүйл

1.1. Монгол Улсын Засгийн газрын 2008 оны 177 дугаар тогтоолын З дугаар хавсралтаар батлагдсан “Монгол Улсын болон гадаадын дээд боловсролын сургалтын байгууллагад суралцагчдад төрийн буцалтгүй тусlamж олгох журам”/цаашид “журам” гэнэ/-ын 2.1.3-т заасны дагуу хоёр улсын Засгийн газар хоорондын гэрээ, хэлэлцээрийн дагуу гадаадын дээд боловсролын сургалтын байгууллагад амьжиргааны тэтгэлэггүйгээр суралцаж байгаа Сургалтын төрийн сантай гэрээ байгуулсан Монгол Улсын иргэнд амьжиргааны тэтгэлэг олгох харилцааг зохицуулж, оролцогч талуудын эрх, үүргийг тодорхойлоход энэхүү гэрээний зорилго оршино.

1.2. Энэхүү гэрээг хоёр хувь үйлдэж, Сургалтын төрийн сан, суралцагч тус бүр гэрээний хугацааг дуустал хадгална.

Хоёр. Гэрээний талууд

2.1. Энэхүү гэрээг Сургалтын төрийн санг төлөөлж _____
албан тушаалтай _____ овогтой _____;
суралцагч _____ улсын _____
сургуульд бакалавр / магистр / докторын зэргийн боловсрол
эзэмшихээр суралцаж буй _____ аймаг / хотын _____
сум / дүүргийн _____ -р баг / хорооны _____
гудамж / байрны _____ тоотод оршин суууч
регистрийн дугаар, _____ тоот
иргэний үнэмлэхтэй _____ овогтой _____
(цаашид “суралцагч” гэнэ) _____ мэргэжлээр _____ жил
суралцан, амжилттай төгсөх нөхцөлийг харилцан хүлээн зөвшөөрч энэхүү гэрээг
байгуулав.

Гурав. Сургалтын төрийн сангийн эрх, үүрэг

3.1. Сургалтын төрийн сан нь тухайн суралцагчийн суралцаж байгаа сургуулийн болон тухайн оронд суугаа Монгол Улсын Элчин сайдын яамнаас ирүүлсэн суралцагчийн сурлагын талаарх тодорхойлолт, нэхэмжлэлийг үндэслэн энэхүү гэрээнд заасан тэтгэлэг олгоно.

3.2 Тэтгэлгийг суралцагчийн суралцаж буйоронд суугаа Монгол Улсын Элчин сайдын яамныдансанд гэрээний 3.1-д заасан бичиг баримтыг хүлээн авснаас хойш ажлын 15 хоногт багтаан бэлэн бусаар шилжүүлнэ.

3.3 Энэхүү гэрээний 1.1-т заасан сургуульд суралцаж байгаа суралцагчид буцалтгүй тусламж олгоходо боловсролын болон санхүү, төсвийн асуудал хариуцсан төрийн захиргааны төв байгууллагаас хамтран баталсан төрөөс хариуцах санхүүжилтийн хэмжээг баримтална.

3.4. Сургалтын төрийн сангаас суралцагчдад олгосон тэтгэлэг:

Хичээлийн жил	Курс	Тэтгэлэг

3.5. Энэхүү гэрээний сунгалтыг жил бүрийн 8 дугаар сарын 20-ны өдрийн дотор хийнэ.

Дөрөв. Суралцагчийн эрх, үүрэг

4.1. Суралцагч _____ оны _____ сарын _____ -ны өдрөөс эхлэн _____ сургуульд _____ мэргэжлээр амжилттай суралцаж ирнэ.

4.2. Өөрийн талаарх сургуулийн албан ёсны тодорхойлолтыг гэрээгээ сунгуулахдаа авч ирнэ.

4.3. Эх орондоо байхгүй байсны улмаас дээр дурьдсан үүргийг өөрөө биелүүлж чадахгүйд хүрвэл түүнийг миний итгэмжлэгдсэн төлөөлөгч аймаг (хот)-ын _____ сум (дүүрэг)-ын _____ оршин суугч тоот иргэний үнэмлэхтэй _____ тоот регистрийн дугаартай _____ овогтой _____ нь хариуцан гүйцэтгэнэ.

4.4. Суралцагч хүүхэд төрүүлэх буюу өвчний улмаас холбогдох хууль тогтоомжийн дагуу чөлөө авсан тохиолдолд энэ тухайгаа Сургалтын төрийн санд албан ёсоор бичгээр мэдэгдэнэ.

4.5. Энэхүү гэрээг жил бүрийн 8 дугаар сарын 20-ны өдрийн дотор сунгуулна.

Тав. Гэрээний сунгалт хийсэн тэмдэглэл

Курс	Хичээлийн жил	Гэрээг сунгасан (он, сар, өдөр)	Гэрээний хүчинтэй байх хугацаа (он, сар, өдөр)	Зөвшөөрсөн суралцагч (итгэмжлэгдсэн төлөөлгч, гарын үсэг)	Сургалтын төрийн санг төлөөлж гэрээ сунгасан албан тушаалтны гарын үсэг (тамга, тэмдэг)	Тайлбар


Гэрээ байгуулсан:

Сургалтын төрийн санг төлөөлж:
 Албан тушаал
 Овог, нэр
 Гарын үсэг
 (тамга, тэмдэг)

Суралцагч:
 Овог, нэр
 Гарын үсэг

Итгэмжлэгдсэн төлөөлөгч:
 Овог, нэр
 Гарын үсэг

..... он сар өдөр



Боловсрол, соёл, шинжлэх ухааны сайд, Сангийн сайдын
2008 оны 21. сарын 21.-ны өдрийн 20. 13.69 дугаар
хамтарсан тушаалын гуравдугаар хавсралт

МОНГОЛ УЛСЫН ДЭЭД БОЛОВСРОЛЫН СУРГАЛТЫН БАЙГУУЛЛАГАД СУРАЛЦАГЧДАД ЗЭЭЛ ОЛГОХ, ЭРГЭН ТӨЛҮҮЛЭХ ТУХАЙ ГЭРЭЭ /ЗАГВАР/

Нэг. Ерөнхий зүйл

1.1. Засгийн газрын 2008 оны 177 дугаар тогтоолын 4 дүгээр хавсралтаар батлагдсан “Монгол улсын дээд боловсролын сургалтын байгууллагад суралцагчдад зээл олгох, эргэн төлүүлэх журам” /цаашид “журам” гэх-/ын дагуу өмчийн хэлбэр харгалзахгүй Монгол Улсын магадлан итгэмжлэгдсэн их, дээд сургууль, коллеж /цаашид “сургууль” гэнэ/-д боловсрол болон санхүү, төсвийн асуудал эрхэлсэн төрийн захиргааны төв байгууллагын хамтарсан шийдвэрээр олгосон хяналтын тоонд багтаж өдрийн ангид бакалавр, магистр, докторын боловсрол эзэмшихээр томилolt авсан суралцагчид сургалтын төлбөрийн зээл /цаашид “зээл” гэнэ/ олгох, уг зээлийг эргэн төлүүлэх харилцааг зохицуулж, оролцогч талуудын эрх, үүргийг тодорхойлоход энэхүү гэрээний зорилго оршино.

Хоёр. Гэрээнд оролцогч талууд

2.1. Монгол Улсын магадлан итгэмжлэгдсэн их, дээд сургууль, коллежид суралцагчдад зээл олгох, эргэн төлүүлэх тухай гэрээ /цаашид “гэрээ” гэнэ/-г хянан баталгаажуулж, санхүүжилт хийх үүрэг бүхий Сургалтын төрийн санг төлөөлж албан тушаалтай
овогтой; суралцагч
сургуульд мэргэжлээр бакалавр / магистр / докторын зэргийн боловсрол эзэмшихээр суралцаж буй аймаг / хотын сум / дүүргийн -р баг / хорооны гудамж / байрны тоотод оршин суугч регистрийн дугаар, тоот иргэний үнэмлэхтэй овогтой ; суралцах сургуулийг төлөөлж, тус сургуулийн сургалтын албаны ажилтан овогтой нар дараах эрх, үүргийг харилцан хүлээн зөвшөөрч энэхүү гэрээг байгуулав.

Гурав. Сургалтын төрийн сангийн эрх, үүрэг

3.1. Энэхүү гэрээний 1.1-д заасан сургуульд суралцаж байгаа суралцагчид зээл олгоходо боловсролын болон санхүү, төсвийн асуудал хариуцсан төрийн захиргааны төв байгууллагаас хамтран баталсан төрөөс хариуцах санхүүжилтийн хэмжээг баримтална. Сургалтын төлбөрийн зээл олгоходо Сургалтын төрийн сан суралцагч эсхүл түүний итгэмжлэгдсэн төлөөлөгчөөс хөрөнгийн барьцаа, баталгааг бүрдүүлж авна.

3.2. Сургалтын төрийн сан суралцагчийн авсан зээлийн мэдээллийн санг Монгол банкны зээлийн мэдээллийн сантай холбож, хяналт тавин ажиллана.

3.3. Санхүүжилтийн тооцоог холбогдох сургуультай хийсний үндсэн дээр тодорхой хуваарийн дагуу сургуулийн дансанд шилжүүлнэ. Сургалтын төрийн сангаас сургалтын төлбөрийг хичээлийн улирлаар тооцон санхүүжүүлэх зарчим баримтлана.

3.4. Суралцагчийн сурлага, шилжилт хөдөлгөөн, дүнгийн байдлын талаар сургуулиас ирүүлсэн мэдээлэл, тодорхойлолтыг үндэслэн гэрээг сунгах, түдгэлзүүлэх, цуцлах, дуусгавар болгох арга хэмжээг авна.

3.5. Журамд заасан нөхцөлөөр зээлийн төлбөрөөс чөлөөлөх асуудлыг Сургалтын төрийн сан холбогдох этгээдээс нотлох бичиг, баримт авсны үндсэн дээр Удирдах зөвлөлөөр хэлэлцүүлж дүгнэлт гаргуулан Засгийн газарт оруулж шийдвэрлүүлнэ.

3.6. Зээл хүлээн авагч нь гэрээгээр хүлээсэн үүргээ биелүүлээгүй, зээлээ журмын дагуу буцаан төлж барагдуулаагүй нөхцөлд шүүхийн байгууллагад хандан зээлийг буцаан төлүүлэх арга хэмжээ авна.

Дөрөв. Суралцагчийн үүрэг, хариуцлага

4.1. Суралцагч сургуульд,
..... түвшинд, мэргэжлээр, голч
дүнтэй, жилийн хугацаатайгаар суралцаж төгсөөд
.....
нөхцөлийг тохирч, энэхүү гэрээг байгуулав.

4.2. Журамд заасан нөхцөлүүдийн аль заалтаар зээл авахаа тодорхойлж, шаардагдах бичиг баримтыг үнэн зөвөөр жил бүрийн 9 дүгээр сарын 1-ний өдрийн дотор бүрэн бүрдүүлж сургуульдаа өгнө.

4.3. Суралцагч нь өөрийн хувийн мэдээлэл, сурлага, шилжилт хөдөлгөөн, дүнгийн байдлын тухай сургуулийнхаа сургалтын албанад цаг тухайд нь мэдээлж байна.

4.4. Суралцагч суралцах хугацаандaa хичээлийн жилийн улирал бүрийн эхэнд энэхүү гэрээтэй танилцан гэрээг сунгах, түдгэлзүүлэх, цуцлах, дуусгавар болгох тухай бичилт хийсэн эсэхэд хяналт тавина.

4.5. Суралцагч энэхүү гэрээний 4.1 дэх хэсгийг зөрчсөн тохиолдолд Сургалтын төрийн сангаас авсан зээлийг хүүгийн хамт Сургалтын төрийн санд буцааж төлнө.

4.6. Суралцагч сургалтын төлбөрийн зээлийг сургууль төгссөнөөс хойш зээлийн гэрээний дагуу төлнө. Зээлийг эргэн төлөх хугацаа нь 5 жил байна.

4.7. Төгсөгч хөдөлмөрийн гэрээ байгуулснаас эхлэн түүний үндсэн цалин болон бусад орлогын 50 хүртэл хувиар тооцон зээлийн эргэн төлөх хуваарь гаргаж, 5 хүртэл жилийн хугацаанд Сургалтын төрийн санд шилжүүлэх ажлыг төгсөгч, ажил олгогч нар хамтран гүйцэтгэнэ.

4.8. Төгсөгч ажил олгогчтой тохиролцны үндсэн дээр сургалтын төлбөрийн зээлийг хугацаанаас нь өмнө төлж барагдуулж болно.

4.9. Суралцагч нас барсан, хөдөлмөрийн чадвараа 70 болон түүнээс дээш хувиар алдсан тохиолдолд зээлийн төлбөрөөс чөлөөлгднө.

4.10. Суралцагч нь нийслэлд төсвийн байгууллагад 5-аас доошгүй жил, орон нутагт төсвийн байгууллагад 3-аас доошгүй жил тогтвор суурьшилтай, үр бүтээлтэй ажилласан тохиолдолд зээлийн төлбөрөөс чөлөөлгөднө.

4.11. Суралцагч энэхүү гэрээгээр хүлээсэн эрх, үүргээ өөрийн биеэр биелүүлэх боломжгүй тохиолдолд түүний итгэмжлэгдсэн төлөөлөгч болох регистрийн дугаар, тоот иргэний үнэмлэхтэй, овогтой хариуцна.

Тав. Сургуулийн эрх, уурэг

5.1. Сургуулийн сургалтын алба нь зээлд хамрагдах хүсэлтэй суралцагчдаас нотариатаар батлуулсан бичиг баримтыг хянан хүлээн авч, сонгон шалгаруулалтыг журамд заасны дагуу зохион байгуулан, дүгнэлт гаргаж, 9 дүгээр сарын 15-ны дотор Сургалтын төрийн санд хургуулсэн байна.

5.2. Сургууль нь зээлээр суралцагчдын шилжилт хөдөлгөөний талаарх мэдээллийг Сургалтын төрийн санд тухай бүр албан ёсоор мэдээлж байна. Сургуулиас хасагдсан, сургуулиа орхисон суралцагчийн мэдээллийг хугацаанд нь өгөөгүйн улмаас улсад учруулсан хохирлыг сургууль хариуцан дараа улирлын санхүүжилтээс суутгувлан барагдуулна.

5.3. Сургууль нь зээлээр суралцагчдын хувийн мэдээллийг тухай бүр шинэчилж байх бөгөөд суралцагчийн сурлагын тодорхойлолтыг Сургалтын төрийн санд улирал бурийн төгсгөл буюу хичээлийн улирал дууссанас хойш ажлын 10 хоногт багтаан албан ёсоор хургуулж байна.

5.4. Зээлээр суралцагчийн сурлагын голч дүн зохих босго шаардлагыг хангаагүй тохиолдолд гэрээг тудгэлзүүлэх саналыг Сургалтын төрийн санд тавина.

5.5. Гэрээнд оролцогч талуудаас гэрээг цүцлах, дуусгавар болгох, түдгэлзүүлэх тухай хүсэлт, шийдвэр гаргасан тохиолдолд ажлын 5 өдөрт багтаан нөгөө талд мэдэгднэ.

5.6. Суралцагч авсан зээлээ хэрхэн төлж, барагдуулах /эсвэл чөлөөлөгдхөн/ талаар хот, орон нутгийн засаг захиргаа, ажил олгогч, зээлийн батлан даагчаас холбогдох баримт бурдуулэн, Сургалтын териин сантай тохиропионо.

Зүргаа, Зээлийн олголтын хуваарь

Долоо. Зээлийн эргэн төлөлтийн хуваарь

7.1. Суралцагч гэрээнд оролцогч талуудтай харилцан зөвшилцсөний үндсэн дээр сургуулиа төсгөөд дараах хуваарийн дагуу зээлийг эргүүлэн төлөх хариуцлага хүлээнэ:

Суралцагч төгссөнөөс хойш зээлийг эргэн төлөх хугацаа	Зээлийн үлдэгдэл	Сургалтын төрийн санд зээлийн эргэн төлөлтийн хэмжээ	Сургалтын төрийн санд зээлийн эргэн төлөлтийн хэмжээ	Суралцагч, түүний итгэмжлэгчийн гарын үсэг	Сургалтын төрийн сангийн тэмдэглэл
1 дэх жил					
2 дахь жил					
3 дахь жил					
4 дэх жил					
5 дахь жил					

Найм. Бусад

8.1 Энэхүү гэрээг 3 хувь үйлдэж Сургалтын төрийн сан, сургууль, суралцагч тус бүр гэрээний хугацааг дуустал хадгална.

8.2. Энэхүү гэрээтэй холбогдсон маргаантай асуудлыг талууд харилцан тохиролцож чадахгүй бол шүүхээр шийдвэрлүүлнэ.

Гэрээ байгуулсан

Сургалтын төрийн
санг төлөөлж

Сургуулийг
төлөөлж

Суралцагч

/албан тушаал/

/албан тушаал/

/овог/

/овог/

/овог/

/нэр/

/нэр/

/нэр/

/гарын үсэг/


/гарын үсэг/

/гарын үсэг/

Итгэмжлэгдсэн төлөөлөгч _____ овогтой _____

..... /гарын үсэг/

..... он сар өдөр



Боловсрол, соёл, шинжлэх ухааны сайд, Сангийн сайдын
2008 оны 11 сарын 11-ны өдрийн 70 / 369 дугаар
хамтарсан тушаалын дөрөвдүгээр хавсралт

**ГАДААДЫН ДЭЭД БОЛОВСРОЛЫН СУРГАЛТЫН БАЙГУУЛЛАГАД
СУРАЛЦАГЧДАД ЗЭЭЛ ОЛГОХ, ЭРГЭН ТӨЛҮҮЛЭХ ТУХАЙ ГЭРЭЭ
/ЗАГВАР/**

Нэг. Ерөнхий зүйл

1.1. Засгийн газрын 2008 оны 177 дугаар тогтоолын 5 дугаар хавсралтаар батлагдсан "Гадаадын дээд боловсролын сургалтын байгууллагад суралцагчдад зээл олгох, эргэн төлүүлэх журам" /цаашид "журам" гэнэ/-ын дагуу олон улсад нэр хүндтэй, гадаадын дээд боловсролын сургалтын байгууллагад зохих журмын дагуу элссэн оюутан, магистрант, докторант /цаашид "суралцагч" гэнэ/-ын сургалтын төлбөр болон амьжиргааны тэтгэлэг, эрдэм шинжилгээний ажлын хамгаалалтын зардлыг зээл хэлбэрээр олгох, уг зээлийг эргүүлэн төлүүлэх харилцааг зохицуулж, оролцогч талуудын эрх, үүргийн тодорхойлоход энэхүү гэрээний зорилго оршино.

Хоёр. Гэрээнд оролцогч талууд

2.1. Энэхүү гэрээг Сургалтын төрийн санг төлөөлж овогтой _____,

Захиалагч байгууллагыг төлөөлж _____ /байгууллагын нэр/ _____ албан тушаалтай, овогтой _____,

Суралцагч _____ аймаг / хотын _____ сум / дүүргийн _____ -р баг / хорооны _____ гудамж / байрны _____ тоотод оршин суугч _____ регистрийн дугаар, _____ тоот иргэний үнэмлэхтэй _____ овогтой _____ (цаашид "суралцагч" гэнэ) нар дараах нөхцөлийг харилцан хүлээн зөвшөөрч, энэхүү гэрээг байгуулав.

Гурав. Сургалтын төрийн сангаас суралцагчдад олгох зээл

3.1. Сургалтын төрийн сангаас суралцагчдад олгох зээл:

Хичээлийн жил	Зээл		
	Сургалтын төлбөр	Амьжиргааны тэтгэлэг	Бүгд

Дөрөв. Сургалтын төрийн сангийн эрх, үүрэг

- 4.1. Энэхүү гэрээнд заасан зээлийг суралцагчийн суралцаж буй сургуулиас ирүүлсэн нэхэмжлэлийг хүлээн авснаас хойш зардлын зориулалт тус бүрээр нь хянан ажлын 15 хоногийн дотор шилжүүлнэ. Шаардлагатай тохиолдолд сургуулийн хүсэлтийг харгалзан амьжиргааны тэтгэлгийн зардлыг суралцагчтай тохиролцсоны дагуу хувийн дансанд нь шилжүүлж болно.
- 4.2. Суралцагчид энэхүү гэрээний дагуу зээл олгоходо боловсролын болон санхүү, төсвийн асуудал эрхэлсэн төрийн захиргааны төв байгууллагаас хамтран баталсан төрөөс хариуцах санхүүжилтийн хэмжээг баримтална.
- 4.3. Суралцагчийн сургалтын дүнгийн албан ёсны тодорхойлолт, захиалагч байгууллагын саналыг үндэслэн дараа улирал, жилийн төлбөрийг шилжүүлнэ.
- 4.4. Гэрээнд сургалтын болон тэтгэлгийн төлбөрийн тухай тэмдэглэл хийж баталгаажуулна.
- 4.5. Суралцагч нь хүндэтгэн үзэх шалтгаангүйгээр санхүүжилтээ тухайн ондоо багтааж ашиглаагүй тохиолдолд санхүүжилтийг зогсооно.
- 4.6. Суралцагч амжилттай суралцан төгсөөд гэрээнд заасан байгууллагад 5-аас доошгүй жил үр бүтээлтэй ажилласан тохиолдолд зээлийн төлбөрөөс чөлөөлөгдөх хүсэлт гаргасны дагуу Сургалтын төрийн сангийн Удирдах зөвлөл хэлэлцэн, дүгнэлтийг Засгийн газарт оруулж шийдвэрлүүлнэ.
- 4.7. Суралцагч энэхүү гэрээний 6.1-д заасан нөхцөлийг зөрчиж авсан зээлээ хүүгийн хамт хугацаанд нь төлж барагдуулаагүй тохиолдолд түүний барьцаалсан үл хедлөх хөрөнгийн эзэмшлийн асуудлыг холбогдох хууль тогтоомжийн дагуу шийдвэрлүүлж, зээлийн өрийг барагдуулах арга хэмжээ авна.

Тав. Захиалагчийн хүлээх үүрэг

- 5.1. Суралцагчийг төгсөж ирэхэд нь ажлын байраар заавал хангана.
- 5.2. Суралцагч энэхүү гэрээний 6.1-д заасан нөхцөлийг зөрчсөн тохиолдолд сургалтын төлбөр болон тэтгэлгийн зээл, түүний хүүг төлүүлж Сургалтын төрийн санд шилжүүлэх асуудлыг хариуцан гүйцэтгэнэ.
- 5.3. Суралцагч сургуулиа төгсөж ирээд гэрээнд заасан байгууллагад ажиллаж байгаа эсэх талаар мэдээллийг Сургалтын төрийн санд жил бурийн 12 сард албан тоотоор ирүүлж байна.

Зургаа. Суралцагчийн хүлээх үүрэг, хариуцлага

- 6.1. Миний бие _____ оны _____ сарын _____ -ны өдрөөс эхлэн захиалагчтай тохиролцсоны дагуу _____ сургуульд _____ улсын
мэргэжлээр _____ жил амжилттай суралцаж төгсөн, гэрээнд тохиоролцсон албан байгууллагад 5-аас доошгүй жил үр бүтээлтэй ажиллана.
- 6.2. Суралцах хугацаандаа тухайн улс орны хууль тогтоомж, ёс заншил, хувийн сахилга хариуцлагыг чанд сахиж, сургалтын хөтөлбөрийн шаардлагыг тогтоосон

хугацаанд ханган биелүүлж, мэргэшлийн тодорхойлолтод заасан мэдлэг, чадварыг бүрэн эзэмшинэ.

6.3. Өөрийн сурлагын дүнгийн талаарх сургуулийн албан ёсны тодорхойлолтыг хагас, бүтэн жилээр захиалагч болон Сургалтын төрийн санд ирүүлнэ.

6.4. Суралцагч хүүхэд төрүүлэх буюу өвчний улмаас холбогдох хууль тогтоомжийн дагуу чөлөө авсан тохиолдолд энэ тухайгаа захиалагч болон Сургалтын төрийн санд албан ёсоор мэдэгдэнэ.

6.5. Суралцагч гэрээний 6.1 дэх заалтыг зөрчсөн тохиодолд зээлийг хүүгийн хамт Сургалтын төрийн санд буцааж төлнө. Хэрэв суралцагч авсан зээл, түүний хүүг өөрөө төлж чадахгүйд хүрвэл суралцагчийн итгэмжлэгдсэн төлөөлөгч нь зээлийн төлбөрийг бүрэн хариуцана.

6.6. Хөрөнгийн баталгаа

Үндсэн хөрөнгийн байршил, хаяг	Улсын бүртгэлийн дугаар	ҮХ-ийн үнэлгээ	Эд хөрөнгийн улсын бүртгэлийн тэмдэглэл	Тайлбар
ДҮН				

Долоо. Гэрээний сунгалт

Курс	Хичээлийн жил	Гэрээг сунгасан (он, сар, өдөр)	Гэрээ хүчинтэй байх хугацаа	Захиалагчийн гарын үсэг (тамга, тэмдэг)	Суралцагчийн (итгэмжлэгдсэн төлөөлөгчийн) гарын үсэг	СТС-г төлөөлж гэрээ сунгасан албан тушаалтны гарын үсэг

Найм. Бусад

8.1. Энэхүү гэрээг 3 хувь үйлдэж Сургалтын төрийн сан, захиалагч, суралцагч тус бүр гэрээний хугацааг дуустал хадгална.

8.2. Энэхүү гэрээтэй холбогдсон маргаантай асуудлыг талууд харилцан тохиролцож чадахгүй бол шүүхээр шийдвэрлүүлнэ.

Гэрээ байгуулсан

Сургалтын төрийн санг төлөөлж:
 Албан тушаал
 Овог, нэр
 Гарын үсэг
 (тамга, тэмдэг)

Захиалагчийг төлөөлж:
 Албан тушаал
 Овог, нэр
 Гарын үсэг
 (тамга, тэмдэг)

Суралцагч:
Овог, нэр
Гарын үсэг

Итгэмжлэгдсэн төлөөлөгч:
Овог, нэр
Гарын үсэг

..... он сар ёдөр

Гэрээний тэмдэглэл